

ԳԱԳԱԹԱԺՈՂՈՎ

Ի.ՂԱՐԻԲԱՇՎԻԼԻ. «ՀԱՄԱՇԽԱՐՀԱՅԻՆ ԱՆՎՏԱՆԳՈՒԹՅՈՒՆԸ ՀԱՅՏՆՎԵԼ Է ՆՈՐ ՄԱՐՏԱՀՐԱՎԵՐՆԵՐԻ ԱՌՋԵՎ»

ՎՐԱՍՏԱՆԻ ՎԱՐՉԱՊԵՏԸ ՄԱՍՆԱԿՑԵԼ Է ՀԱՄԱՇԽԱՐՀԱՅԻՆ ԼԻԴԵՐՆԵՐԻ ՈՉ ՊԱՇՏՈՆԱԿԱՆ ՀԱՆԴԻՊՄԱՆԸ

Դավոսում, Համաշխարհային տնտեսական գագաթաժողովի շրջանակներում, Վրաստանի վարչապետ Իրակլի Դարիբաշվիլին մասնակցել է համաշխարհային լիդերների ոչ պաշտոնական հանդիպմանը: Հանդիպմանը քննարկվել է գլոբալ ռազմավարական մրցակցության թեման:



Իր ելույթում, Իրակլի Դարիբաշվիլին ներկայացրեց իր տեսլականը վերջին տարիներին համաշխարհային անվտանգությունը հայտնվեց նշանակալի նոր մարտահրավերների առջև: Վարչապետի խոսքերով, ազդեցիկ անջատողականության նոր ալիքը, միջպետական և ներպետական դիմակայությունները, ինչպես նաև ահաբեկչության աճող վտանգը ու գլոբալ մյուս կարևոր հիմնախնդիրները սպառնալիք են ստեղծում պետական ինքնիշխանության և տարածքային ամբողջականության, մարդու հիմնարար ազատությունների և իրավունքների կա-

րելորագույն սկզբունքներին: Համաշխարհային լիդերների ոչ պաշտոնական հանդիպմանը ներկա էին տարբեր երկրների նախագահներ և վարչապետեր, ԵԱՀԿ գլխավոր քարտուղարը, փախստականների գործերով ՄԱԿ-ի գերագույն կոմիսարը, խոշոր ընկերությունների ներկայացուցիչներ:

ՎՐԱՍՏԱՆ-ԼԻՏՎԱ

ՄՏՈՐԱԳՐՎԵԼ Է ՏՆՏԵՍԱԿԱՆ ՀԱՄԱԳՈՐԾԱԿՈՒԹՅԱՆ ՓԱՍՏԱԹՈՒՂԹ



Հունվարի 26-ին, պաշտոնական այցով, Թբիլիսիում էր գտնվում Լիտվայի վարչապետ Ալգիրդաս Բուտկելիչիուսը: Պաշտոնական այցի շրջանակներում Լիտվայի կառավարության ղեկավարը հանդիպումներ է ունեցել Վրաստանի նախագահ Գիորգի Մարգվելաշվիլու, վարչապետ Իրակլի Դարիբաշվիլու հետ:

սական հարաբերությունների հարցեր: Հանդիպմանը քննարկվել է նաև պաշտպանության, անվտանգության, կրթության, գյուղատնտեսության և մշակույթի ոլորտներում համագործակցության խորացման հեռանկարների հարցը: Իրակլի Դարիբաշվիլին և Ալգիրդաս Բուտկելիչիուսը բանակցությունների ավարտին ստորագրել են համաձայնագիր տնտեսական համագործակցության վերաբերյալ: (Շարունակությունը՝ 2-րդ էջում)

ՎՐԱՍՏԱՆ-ՆԱՍՕ

ԸՆԴԳԾՎԵՑ ԵՎՐԱԻՆՏԵԳՐՄԱՆ ԿՈՒՐՍԻ ԱԶԱԿՑՈՒԹՅԱՆ ՊԱՏՐԱՍՏԱԿԱՄՈՒԹՅՈՒՆԸ

Հունվարի 29-30-ին, աշխատանքային այցով, Վրաստանում էր գտնվում ՆԱՍՕ-ի գլխավոր քարտուղարի տեղակալ Ալեքսանդր Վերշբոուն: Այցի հիմնական նպատակը Վրաստան-ՆԱՍՕ գործակցության փաթեթի իրագործման մոնիտորինգն էր:



Այցի շրջանակներում Վերշբոուն հանդիպեց Վրաստանի նախագահ Գիորգի Մարգվելաշվիլու, վարչապետ Իրակլի Դարիբաշվիլու, խորհրդարանի խոսնակ Դավիթ Ուսուփաշվիլու, եվրաինտեգրման հարցերի պետնա-

խարար Դավիթ Բաքրաձեի, ինչպես նաև երկրի կառավարության այլ անդամների հետ: Կայացած հանդիպումներում ՆԱՍՕ-ի ներկայացուցիչը վերահաստատեց դաշինքի լիակատար աջակցությունը Վրաստանին եվրոպա-

(Շարունակությունը՝ 2-րդ էջում)

ՀԱՐՑԱԶՐՈՒՅՑ

ԱԿԱԿԻ ՄԱՃՈՒՏԱՉԵ. «ՄԵՐ ՏՆՏԵՍԱԿԱՆ ՆԵՐՈՒԺԸ, ԶԱՐԳԱՑՄԱՆ ՀԵՌԱՆԿԱՐՆԵՐԸ ՍԱՄՑԻՆԵ-ԶԱՎԱԽԵԹԻՆ ԿԱՐՈՂ ԵՆ ՎԵՐԱԾԵԼ ԶԱՐԳԱՑԱԾ ԵՐԿՐԱՄԱՍԻ»

Սամցխե-Ջավախեթի տարածաշրջանում 2014 թվականը նշանավորվեց զգալի տեղաշարժերով: Հատկանշական էր, որ տեղաշարժեր գրանցվեցին ոչ միայն երկրամասի տնտեսության համար ավանդական ճյուղերում, այլև՝ գրեթե բոլոր ոլորտներում: Մեր հարցերին, թե ի՞նչ աշխատանքներ են իրականացվել երկրամասում, պատասխանում է Սամցխե-Ջավախեթի տարածաշրջանում պետական լիազոր նահանգապետ Ակակի Մաճուտաձեն:

ընդ: Եթե հանրագումարենք այդ պաշտոնում Ձեր մեկամյա գործունեության արդյունքները, ի՞նչն եք համարում նշանավոր: - Իրոք, մեկ տարի է, ինչ գլխավորում են երկրամասային վարչությունը, թեպետ, կարծում եմ, ավելի լավ կլինեք խոսեի՞ք վեր-

(Շարունակությունը՝ 4-րդ էջում)

- Բատոնո Ակակի, արդեն մեկ տարի է, ինչ Դուք զբաղեցնում եք

Սամցխե-Ջավախեթի պետական լիազոր-նահանգապետի պաշտոն-

ՄԵԾ ԵՂԵՈՆ-100

ԸՆԴՈՒՆՎԵՅ ՀԱՅՈՑ ԺԵՂԱՍՊԱՆՈՒԹՅԱՆ 100-ԱՄՅԱ ՏԱՐԵԼԻՑԻ ՀԱՄԱՀԱՅՎԱԿԱՆ ՀՈՉԱԿԱԳԻՐԸ



Հունվարի 29-31-ին Երևանում Հայոց ցեղասպանության 100-րդ տարելիցին նվիրված միջոցառումները համակարգող պետական հանձնաժողովի անդամների և 40 երկրների տարածաշրջանային հանձնախմբերի ներկայացուցիչների մասնակցությամբ կայացան 5-րդ միստը և դրա շրջանակներում ծրագրված միջոցառումները: Հունվարի 29-ի առավոտյան, միստի մասնակիցները ծաղիկներ դրեցին Կոմիտասի շիրիմին, ապա մասնակցեցին պանթեոնի տարածքում Կոմիտաս վարդապետի թանգարանի բացման արարողությանը: Նույն օրը Կառավարության ընդունելության տանը բացվեց Համակարգող հանձնաժողովի միստը, որը վարում էր հանձնաժողովի նախագահ, Հայաստանի նախագահ Սերժ Սարգսյանը:

Նիստում հանձնաժողովի անդամները քննարկեցին և միաձայն ընդունեցին Հայոց ցեղասպանության 100-րդ տարելիցի քաղաքական համատեքստը և Հայոց ցեղասպանության 100-րդ տարելիցի համահայկական հռչակագիրը: Քննարկեցին ուղեկցման միջոցառումներ, Հայոց ցեղասպանության հետեւանքների հաղթահարման իրավական պահանջների թղթածրարի մշակման աշխատանքների մասին հարցերը: Նիստի ընթացքում անցկացվեց նաև Ցեղասպանության 100-րդ տարելիցի կայքէջի շնորհանդեսը:

(Շարունակությունը՝ 7-րդ էջում)

ՆԵԱՆԱԿՈՒՄ

ՎԱԽԹԱՆԳ ԳՈՄԵԼԱՌԻՆ՝ ՎՐԱՍՏԱՆԻ ՆԳ ՆԱԽԱՐԱՐ

Վրաստանի վարչապետ Իրակլի Դարիբաշվիլին երկրի ներքին գործերի նախարարի պաշտոնում ներկայացրեց Վախթանգ Գոմելաուրու թեկնածությունը, որը մինչ այդ զբաղեցնում էր ՆԳ նախարարի առաջին տեղակալի պաշտոնը:



Վախթանգ Գոմելաուրին նախարարի պաշտոնում փոխարինեց Ալեքսանդր Եիկախիձեին, որը պաշտոնաթող է

(Շարունակությունը՝ 2-րդ էջում)

ՎՐԱՍՏԱՆ-ՀԱՅԱՍՏԱՆ

ԴԻՏԱՐԿՎԵԼ ԵՆ ՀԱՄԱԳՈՐԾԱԿՈՒԹՅԱՆ ՀԱՐՅԵՐԸ

Վրաստանի գյուղատնտեսության նախարարը հանդիպել է Հայաստանի դեսպանի հետ:



Օթար Դանելիայի և Յուրի Վարդանյանի համդիպման ընթացքում դիտարկվել են երկու կողմերին, փոխադարձաբար, հետաքրքրող գյուղատնտեսության ոլորտի հարցեր: Անդրադարձ է կատարվել գյուղատնտեսական ոլորտում փորձի փոխանակման ծրագրերին: Քննարկվել է ընթացիկ տարում վերոնշյալ ոլորտում վրաց-հայկական բիզնես-համաժողովի անցկացման հնարավորությունը: Բացի այդ, ձեռք է բերվել պայ-

մանակորվածություն երկու երկրների գյուղատնտեսության նախարարների համդիպման կազմակերպման վերաբերյալ: Հանդիպումն անցավ ջերմ և բարեկամական մթնոլորտում:


ՎՐԱՍՏԱՆ-ԼԻՏՎԱ

ԱՏՈՐԱԳՐՎԵԼ Է ՏՆՏԵՍԱԿԱՆ ԶԱՄԱԳՈՐԾԱԿՑՈՒԹՅԱՆ ՓԱՍՏԱԹՈՒՂԹ

(Սկիզբը՝ 1-ին էջում)

Վրաստանի նախագահ Գիորգի Մարգվելաշվիլու և Լիտվայի վարչապետ Ալգիրդաս Բուտկեվիչիուսի հանդիպմանը, կողմերը քննարկել են երկու երկր-

ների միջև հարաբերությունների խորացման հեռանկարները: Առանձնակի ուշադրություն է հատկացվել տարածաշրջանային անվտանգության, ինչպես նաև բռնազավթված տարածքների թեմային:



ՎՐԱՍՏԱՆ-ՆԱՏՕ

ԸՆԴՊԾՎԵՑ ԵՎՐԱԻՆՏԵԳՐՄԱՆ ԿՈՒՐՍԻ ԱԶԱԿՑՈՒԹՅԱՆ ՊԱՏՐԱՍՏԱԿԱՄՈՒԹՅՈՒՆԸ

(Սկիզբը՝ 1-ին էջում)

կան և եվրատլանտյան ինտեգրման գործընթացում:

ՆԱՏՕ-ն մոտ ժամանակներս ակտիվ կոնսուլտացիաներ կսկսի Վրաստանում Վարժաքննության միավորված կենտրոնի բացման շուրջ:

«ՆԱՏՕ-ն և Վրաստանը համակարծիք են, որ կենտրոնը պետք է սկսի գործել տարեկան, ինչը Վրաստանին հնարավորու-

թյուն կտա ուժեղացնել պաշտպանական անվտանգության սեկտորը: Կենտրոնը բաց կլինի նաև ՆԱՏՕ-ի մյուս դաշնակիցների ու գործընկերների համար, քանի որ Վրաստանի աշխարհագրությունը և զինված ուժերի բարձր մակարդակը համատեղ եզակի հնարավորություններ են ստեղծում մեծաթիվ խմբերի վարժաքննության անցկացնելու համար»,- հայտարարել է Վերջբուն Վրաստանի վարչապետ Իրակլի Դարիբաշվիլու հետ թեմային համատեղ անցկաց-

ված բրիֆինգի ժամանակ:

Հիշեցնենք, որ դաշինքին անդամակցելու Վրաստանի ձգտմանն աջակցող միջոցառումների փաթեթը հաստատվել է ՆԱՏՕ-ի՝ 2014 թվականի սեպտեմբերի 4-5-ը Ուելսում կայացած գագաթաժողովի ընթացքում: Դրա շրջանակներում նախատեսվում է Վրաստանում բացել վարժական կենտրոն, որտեղ պատրաստություն կանցնեն դաշինքի և ՆԱՏՕ-ի գործընկեր երկրների զինծառայողները:

ՎՐԱՍՏԱՆ-ԱՄՆ

ՔՆՆԱՐԿՎԵՑԻՆ ԵՐԿԿՈՐՄ ԵՎ ՄԻՋԱԶԳԱՅԻՆ ՀԱՐԱԲԵՐՈՒԹՅՈՒՆՆԵՐԻ ՀԱՐՑԵՐ



Վրաստանի ԱԳ նախարարը հանդիպեց ԱՄՆ փոխնախագահի հետ

Պաշտոնական այցով ԱՄՆ-ում գտնվող Վրաստանի արտաքին գործերի նախարար Թամար Բերուլաշվիլին հանդիպում է ունեցել ԱՄՆ-ի փոխնախագահ Ջո Բայդենի հետ: Կողմերը քննարկել են Ռուսաստանի գործողությունները Վրաստանի և Ուկրաինայի նկատմամբ:

«Քննարկվել են թեմաներ, որոնք վերաբերում են Ուկրաինայի ճգնաժամին, Ռուսաստանի թյուրմեթոդներին, որոնք կատարել են իրենց ընտրությունը»,- հայտարարեց Թամար Բերուլաշվիլին:

Վրաստանի ԱԳ նախարարը շարունակում է հանդիպումներ անցկացնել ԱՄՆ-ի Պետդեպարտամենտում և Կոնգրեսում: Այցի ընթացքում, որը կշարունակվի մինչև փետրվարի 4-ը ներառյալ, Բերուլաշվիլին ելույթ կունենա Ատլանտյան խորհրդի «Անդրատլանտյան ռազմավարությունը Արևելյան Եվրոպայի երկրների համար» խորհրդաժողովում, ինչպես նաև կմասնակցի Ռազմավարական և միջազգային հետազոտությունների կենտրոնում (CSIS) պլանավորված բանավեճին:

պանության ղեկավարը, 2013 թվականից աշխատել է ՆԳ նախարարի տեղակալի պաշտոնում: Ա.ճիկիաձեի պաշտոնաթողությունից հետո դարձել է նախարարի պաշտոնակատար:

Տիրապետում է վրացերենին, անգլերենին և ռուսերենին: Ամուսնացած է, ունի երկու երեխա:

ՆՇԱՆԱԿՈՒՄ

ՎԱԽԹԱՆԳ ԳՈՄԵԼԱՌԻՆ՝ ՎՐԱՍՏԱՆԻ ՆԳ ՆԱԽԱՐԱՐ

(Սկիզբը՝ 1-ին էջում)

եղել Յուրի Վազագաշվիլու սպանության թարմ հետքերով անհաջող հետաքննության արդյունքում:

Վախթանգ Գոմելաուրին 40 տարեկան է: Ավարտել է Ֆիզիկական դաստիարակության և սպորտի ակադեմիան: 1994 թվա-

կանին սկսել է ղեկավար պաշտոններում աշխատել կառավարության պահպանության հատուկ ծառայությունում, 2002-2008 թվականներին աշխատել է Վրաստանի ներքին գործերի նախարարության պահակային ոստիկանությունում: Մինչև 2013 թվականը Գոմելաուրին եղել է Վրաստանի նախկին վարչապետ Բիժինա Իվանիշվիլու պահ-

ՖԻՆԱՆՍՆԵՐ

ԱԶԳԱՅԻՆ ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ ՎԵՐԱԶՍԿՎՈՒՄ Է ԿԱՌԱՎԱՐՈՒԹՅԱՆ ԿՈՂՄԻՑ

Յունվարի 28-ին Վրաստանի վարչապետ Իրակլի Դարիբաշվիլին ազգային տարադրամի կողմից տատանման հարցով անցկացրեց աշխատանքային հանդիպում, որին ներկա էին կառավարության տնտեսական բլոկի ներկայացուցիչները և Վրաստանի ազգային բանկի նախագահ Գիորգի Քաթագիձեն:

Հանդիպմանը քննարկվել է Վրաստանում տնտեսական գործընթացների վրա արտաքին գործոնների ազդեցության հարցը: Հանդիպմանը քննարկվել է նաև լարիի երկարաժամկետ կայունացման համար անհրաժեշտ միջոցառումների հարցը:

Հանդիպմանը նշվել է, որ երկրում գործում է տարադրամի փոխանակման լոզա-ցող կուրսը, և այն գտնվում է կառավարության վերահսկողության ներքո: Ընդգծվել է նաև, որ կառավարությունն ակտիվ քայլեր է կատարում արտահանման, զբոսաշրջության և արտասահմանյան անմիջական ներդրումների խթանման ուղղությամբ:

Յունվարի 30-ին Վրաստանի Ազգային բանկի նախագահ Գիորգի Քաթագիձեն հանդես եկավ բանկի կողմից լարիի արժեզրկումը կանխելու նպատակով իրականացվելիք միջոցառումների մասին հայտարարությամբ: Ըստ բանկի նախագահի խոսքե-

րի, Ազգային բանկը հաջող շաբաթվա ից կսկսվի պարբերական ստուգումները: Բանկը նաև քայլեր կձեռնարկի գների հնարավոր աճի կանխման ուղղությամբ:



ՔՐԵՆԱԿԱՆ

«ՆԻՆՈՇՄԻՆԴԱ» ԱՆՅԱՎԵՏՈՒՄ ԱՌԳՐԱՎԵԼ Է ԿՈԿԱՆԻ ՄԵԾ ԽՄԲԱՔԱՆԱԿ

Յունվարի 27-ին վրացի մաքսավորները կոկաինի խոշոր խմբաքանակ են առգրավել վրաց-հայկական սահմանի «Նինոծմինդա» մաքսային անցակետում: Այդ մասին հայտարարել է Վրաստանի ֆինանսների նախարար Նոդար Խաղոլին:

«Մեր մաքսավորները «Նինոծմինդա» մաքսային անցակետում հայտնաբերել են ավելի քան 6 կիլոգրամ կոկաին, որը փորձում էին երկիր անցկացնել Բուլղարիայի քաղաքացիները: Գործը հանձնված է ներքին գործերի նախարարությանը»,- ասաց Նոդար Խաղոլին:

Լրատվամիջոցների տեղեկատվությամբ, սա վերջին ժամանակներս Վրաստանի տարածք խոշոր խմբաքանակի թմրանյութերի ներկրման արդեն երկրորդ փորձն է, որը կասեցվել է վրա-

ցի սահմանապահների և մաքսավորների կողմից: Ավելի վաղ (2014 թվականի հուլիսի 12-ին) վրաց-թուրքական սահմանում Վրաստանի ՆԳՆ աշխատակիցները, բեռնատար ավտոմեքենան զննելիս, հայտնաբերել են 30-կիլոգրամանոց 93 տակառներ՝ 80-տոկոսանոց հեղուկ հերոինով 93 մլն ԱՄՆ դոլար արժողությամբ: Ըստ վերջին տվյալների, մեքենան Իրանի, Ադրբեջանի, Թուրքիայի և Վրաստանի տարածքով Մոլդովա թմրանյութեր տեղափոխում հեղուկ օճառի տեսքով:



ՈՒԿՐԱԻՆԱ ԱՐՏԱԿԱՐԳ ԴՐՈՒԹՅԱՆ ՈՒՇԻՄ ԴՈՆԵՑԿԻ ԵՎ ԼՈՒԳԱՆՍԿԻ ՄԱՐԶԵՐՈՒՄ

Ուկրաինայի կառավարությունը որոշում է ընդունել արտակարգ դրության ռեժիմ սահմանել Դոնեցկի և Լուգանսկի մարզերում, ինչպես նաև բարձր պատրաստության ռեժիմ մտցնել ամբողջ երկրի տարածքում: Այդ մասին հայտարարել է վարչապետ Արսենի Յացենյուկը:

«Ուկրաինայի քաղաքացիական պաշտպանության օրենսգրքին համապատասխան, նախարարների կաբինետը որոշում է ընդունել պետական մակարդակով արտակարգ դրություն սահմանելու մասին: Կառավարությունը որոշում է ընդունել արտակարգ դրության ռեժիմ մտցնել Դոնեցկի և Լուգանսկի մարզերի տարածքներում: Կառավարությունը նաև որոշում է ընդունել բարձր պատրաստության ռեժիմ սահմանել պետության ամբողջ տարածքում: Այս որոշումների ընդունման նպատակը իշխանության բոլոր մարմինների գործունեության լիակատար կորոզիանցումն է քաղաքացիների անվտանգությունն ապահովելու համար»,- ասել է Ուկրաինայի նախարարների կաբինետի ղեկավարը:

ԵՆԽՎ ՌՈՒՍԱՍՏԱՆԸ ԶՐԿՎԵՑ ԶԱՅՆԻ ԻՐԱՎՈՒՆՔԻՑ

Եվրախորհրդի խորհրդարանական վեհաժողովը ուժի մեջ է բողել Ռուսաստանի պատվիրակության դեմ բոլոր պատժամիջոցները, որոնք սահմանվել էին ի պատասխան Դրիմի բռնակցման և Ուկրաինայի արեւելքում գործող անջատողականների աջակցման: Լիազորությունների հարցը վերստին քննարկվելու է ապրիլին, բայց ռուսներն արդեն հայտարարել են, որ մինչև 2015 թվականի դեկտեմբերի վերջը հեռանում են ԵՆԽՎ-ից:

Բացի քվեարկության իրավունքի գրկումից, ԵՆԽՎ-ում Ռուսաստանի դեմ սահմանված պատժամիջոցները ներառում են Վեհաժողովի տարբեր պատվիրակություններում և ներկայացուցչություններում և նրան առընթեր կազմակերպություններում, ընտրությունների դիտորդական առաքելություններում մասնակցության արգելք, ինչպես նաև ԵՆԽՎ-ի կողմից քննարկվող հարցերի շուրջ որպես զեկուցողներ ռուսաստանցիների նշանակման արգելում: ԵՆԽՎ-ի նստաշրջանում ընդունված բանաձևում դատապարտվել է Ռուսաստանի դերը Ուկրաինայի արեւելքում իրադրության սրվելու հարցում:

ՐՈՒՍԱՍՏԱՆ ԸՆՏՐՈՒԹՅՈՒՆՆԵՐՈՒՄ ԶԱՐԹԵՑ ԶԱՆ ՈՒՇԵՐԻ ԿՈՒԼԻՑԻԱՆ

Յունաստանի ծախս արմատական ուժերի կոալիցիան (ՄԻՐԻՉԱ) հաղթանակ է տարել խորհրդարանական ընտրություններում: Այն ստացել է ձայների 36,37 տոկոսը, ինչը 149 տեղ է ապահովում 300-տեղանոց միամանդատ խորհրդարանում: Մինչև ՄԻՐԻՉԱ-ին 151 կամ ավելի տեղ է անհրաժեշտ իր օրինագծերը գլխավոր օրենսդիր մարմնում անցկացնելու համար:

Վարչապետ Անտոնիս Սամարասի «Նոր ժողովրդավարություն» աջ կենտրոնանտ կուսակցությունը խորհրդարանում կունենա 76 տեղ, ծայրահեղ աջ «Խրիսի Ավգի» («Ոսկե արշալույս») կուսակցությունը՝ 17 տեղ: Խորհրդարանում մանդատներ ստացան նաև «Պոտամի»-ն («Գետ»), Յունաստանի Կոմկուսը, «Անկախ հույները» և Համահունակական սոցիալիստական շարժումը (ՊՍՕԿ):

Ներկայումս ՄԻՐԻՉԱ-ն բանակցություններ է վարում «Անկախ հույների» հետ՝ մեծամասնության ձեւավորման հարցով:

Անտոնիս Սամարասն ընդունել է իր պարտությունը խորհրդարանական ընտրություններում և հաղթանակի առթիվ շնորհավորել ՄԻՐԻՉԱ-ի առաջնորդ Ալեքսիս Ցիպրասին:

40-ամյա Ալեքսիս Ցիպրասը, Աթենքի կենտրոնում ելույթ ունենալով իր հազարավոր կողմնակիցների առջև, ասել է, որ Յունաստանը հունվարի 26-ից չեղյալ է հայտարարում խիստ խնայողության միջոցառումները:

Ծաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԴՐԱՍԱՇՆՈՐ

13 ՄԻԼԻՈՆ ՄԱԿՐՈՖԻՆԱՆՍԱԿԱՆ ՕԳՆՈՒԹՅՈՒՆ ԵՎ 52 ՄԻԼԻՈՆ ԱՂՔԱՏՈՒԹՅԱՆ ՀԱՂԹԱՀԱՐՄԱՆ ՀԱՄԱՐ

Եվրահանձնաժողովը Եվրամիության անունից Վրաստանին առաջարկել է դրամաշնորհի կարգով 13 միլիոն եվրո:


Եվրամիությունը 13 մլն եվրոյի չափով դրամաշնորհ է հատկացրել Վրաստանին մակրոֆինանսական օգնության ծրագրի (Macro-Financial Assistance, MFA) շրջանակներում: Ավելի վաղ հաղորդվել էր, որ ԵՄ-ն 2015 թվականին 46 մլն եվրո կհատկացնի Վրաստանին մակրոտնտեսական կայունության պահպանման համար: Դրա հետ մեկտեղ նշվել է, որ Վրաստանը փողը կստանա երկու հավասար մասնաբաժիններով. գումարի մի կեսը կլինի դրամաշնորհ, իսկ երկրորդը՝ վարկ: Եվրամիության կողմից հատկացված 13 մլն եվրոյի չափով դրամաշնորհին առաջին մասնաբաժնի բաղադրիչն է: Առաջին մասնաբաժնի շրջանակներում, որը կազմում է 23 մլն եվրո, 10 մլն եվրոն վարկ է:

2015 թվականի կեսերին Վրաստանը կարող է ստանալ երկրորդ մասնաբաժինը, որի մի մասը՝ 10 մլն եվրոն, կլինի դրամաշնորհ, իսկ 13 միլիոնը՝ վարկ:

Մակրոտնտեսական օգնության ծրագիրը Վրաստանի համար հաստատվել էր 2013 թվականի օգոստոսին: Այդ ծրագիրն այն

օգնության երկրորդ մասն է, որը Եվրամիությունը խոստացել էր Վրաստանին ցուցաբերել օգոստոսյան պատերազմից հետո՝ 2008 թվականի հոկտեմբերին կայացած Միջազգային դնորական խորհրդաժողովում: MFA-ի նախորդ ծրագիրը, որը 43 մլն եվրոյի հատկացում էր նախատեսում դրամաշնորհի տեսքով, հաջողությամբ իրականացվել է 2009-2010 թվականներին:

«Գյուղի եւ գյուղատնտեսության զարգացման համար» հարեւանության եվրոպական ծրագրի շրջանակներում, ֆերմերական 35 փոքր կոոպերատիվներ արժանացել են գրանտի: Նյութական ակտիվների տեսքով ֆերմերներին փոխանցվել էին տրակտորներ, բեռնատար ավտոմեքենաներ, հողի վերանշակման գործիքներ: Դրամաշնորհի մրցույթին մասնակցել են ավելի քան 700 ֆերմերական փոքր խմբեր: Մրցույթի երկրորդ փուլ անցան 200-ը:



ՆԱԽԱԳԱՀԻ ԵԼՈՒՅԹԸ ԴԵՏԱԶԳՎԵԼ Է

Երկրի խորհրդարանում Վրաստանի նախագահի ամենամյա ելույթը, որը կայանալու էր փետրվարի 4-ին, հետաձգվել է: Այդ մասին խորհրդարանի բյուրոյի նիստում հայտարարել է բարձրագույն օրենսդրական մարմնի ղեկավարը:

Դավիթ Ուսուփաշվիլու խոսքերով, պատգամավորներն աշնանային նստաշրջանում չեն հասցրել քննարկել մի շարք կարեւոր հարցեր եւ այդ պատճառով փետրվարի առաջին կեսը կնվիրվի հրատապ տարբեր թեմաների քննարկմանը: Ինչ վերաբերում է օրենսդրական մարմնում պետության ղեկավարի ելույթի ժամկետին, ապա այդ հարցը Դավիթ Ուսուփաշվիլու խոսքերով, կհատկացվի նախագահի աշխատակազմի ներկայացուցչների ու խորհրդարանի միջեւ խորհրդակցությունների արդյունքում:

ԱՆԱԼՔԱԼՔԻՈՒՄ ՈՌՈԳՄԱՆ ՀԱՄԱԿԱՐԳԵՐԸ ԿԿԱՐԳԱՎՈՐՎԵՆ

Ախալքալաքի մունիցիպալիտետում գյուղատնտեսական նպատակների համար կրթնեկարգվի ռոզոման համակարգը: Այդ մասին տեղեկացնում է Վրաստանում ճապոնիայի դեսպանատան տարածած հաղորդագրությունը, ծրագիրը հնարավոր կլինի իրականացնել Վրաստանի եւ ճապոնիայի կառավարությունների միջեւ կնքված համաձայնագրի շնորհիվ, որի ստորագրումը տեղի ունեցավ հունվարի 28-ին Վրաստանում ճապոնիայի դեսպանատանը:

Ախալքալաքի մունիցիպալիտետում իրականացվելիք ծրագրի համար կտրվի 87.542 ԱՄՆ դոլարի համարժեք գումար: Նույն ծրագրի շրջանակներում ճապոնիայի կառավարությունը Վրաստանի Կարմիր խաչին կտրամադրի 90.992 ԱՄՆ դոլար՝ Կախեթում առաջնային օգնության կլինիկայի համար բուժարքավորումների գնման համար:

ԴԵՐՈՐԱՅՔԻ 10 ՏՈՎՈՍԸ ԹԱՆԿԱՑԵԼ Է

Վրաստանի առողջապահության փոխնախարար Վալերի Կվարացիելիայի հայտարարությամբ, դոլարի գործողության գոտուց, Ռուսաստանից եւ Բելոռուսից ստացվող դեղորայքի՝ դեղերի ընդհանուր ծավալի 10 տոկոսը թանկացել է:

«Թանկացած դեղորայքի տոկոսային հարաբերությունը բարձր չէ: Այդ ուղղությամբ մենք իրականացնում ենք մոնիտորինգ եւ գնեթի աղետալի բարձրացման դեպքում, մենք կմիջամտենք: Եթե տեսնենք, որ գների աճը շատ ավելի բարձր է, կձեռնարկենք համապատասխան միջոցներ գների աճի կանգնեցման համար: Սակայն շատ բան կախված է դոլարի կուրսից», - հայտարարել է Վալերի Կվարացիելիան: Նրա խոսքերով, դեղորայքի գների ավելացումը կապված է դոլարի կուրսի ավելացման հետ: «Եթե դոլարի կուրսը նվազի, ապա դեղորայքի գինը կրկին կկարգավորվի»,- նշել է փոխնախարարը:

ԱՐԳԵԼՎՈՒՄ Է ՄԱՅԹԵՐԻՆ ՄԵՔԵՆԱՆԵՐԻ ԿԱՅԱՆՈՒՄԸ

Թբիլիսիի քաղաքապետարանում կատեղծվի հատուկ ծառայություն, որը կուսումնասիրի մայթերին մեքենաների կայանման հետ կապված իրավիճակը եւ կներկայացնի մեքենաների կայանման այլընտրանքային տարբերակներ:

Այդ մասին հայտարարել է Թբիլիսիի քաղաքապետ Դավիթ Նարմանիան: «Մի կողմից, պետք է հատուկ տեղեր առանձնացվեն կայանման համար, որպեսզի մարդիկ կարողանան ազատ տեղաշարժվել: Կատեղծվի հատուկ խումբ, որը կզբաղվի հարցի կարգավորմամբ», - նշել է քաղաքապետը:

ԴԻՐՔՈՐՈՇՈՒՄ

ԲԻԶՆԵՍ ԻՎԱՆԻՇՎԻԼԻ. «ՎԱՂԱԺԱՄԿԵՏ ԸՆՏՐՈՒԹՅՈՒՆՆԵՐԻ ԱՆՑԿԱՑՄԱՆ ՄԵՋ ԱՂԵՏԱԼԻ ՈՉԻՆՉ ՉՎԱ»



«Ես առայժմ ընտրությունների անցկացման անհրաժեշտություն չեմ տեսնում, բայց մեզ ոչինչ չպետք է զարմացնի, եթե գործընթացներն այնպես զարգանան, որ նման անհրաժեշտություն ստեղծվի, դրանում ոչ մի աղետալի բան չկա», - հայտարարել է Իվանիշվիլին:

Ստեյնը, այլ պետք է ամրապնդենք տնտեսությունը, ժողովրդավարական հաստատությունները եւ դեմոկրատական արժեքները, եւ այդքան մենք արդյունք կունենանք: Մենք իրական հնարավորություն չունենք անսասան պահելու մեր դիրքերը, եւ պետք է համբերենք, նույնիսկ, եթե գործողությունները վիրավորական են, քանի որ մենք չունենք ոչ մի այլ ռեսուրս, բացի հայտարարություններ անելուց եւ դրա հետ պետք է հաշվի նստել», - նշեց նախկին վարչապետը:

Խոսելով իր ծրագրերի մասին, Բիժինա Իվանիշվիլին նշեց, որ մտադիր է մոտ ապա-

զայում հասարակայնությանը ֆիլմ ներկայացնել երկրի նախկին նախագահ Միխեիլ Սաակաշվիլու կառավարման մասին:

«Մենք «9+1» վերնագրով ֆիլմ ենք նկարահանում «Ազգային շարժման» կառավարման վերաբերյալ, որն ընդամենը բաղկացած կլինի 200 սերիայից», - հայտարարեց Բիժինա Իվանիշվիլին՝ վրացական «Իմեդի» հեռուստաընկերությանը տված հարցազրույցում:

Նրա խոսքով՝ ֆիլմը ցուցադրվելու է GDS ալիքով՝ այն ծրագրի շրջանակներում, որը եթեր է դուրս գալու փետրվարի վերջին-մարտի սկզբին:

ՕՐԵՆԱԴՐՈՒԹՅՈՒՆ

ԱՐԱԲԵԿՉՈՒԹՅԱՆ ՀԵՏ ԿԱՊԿԱԾ ՊԱՏԺԱՄԻՋՈՑՆԵՐԸ ԽՍՏԱՑՎՈՒՄ ԵՆ

Վրաստանի ՆԳ նախարարության կողմից մշակված եւ կառավարության կողմից խորհրդարանի հաստատման են ներկայացվել Վրաստանի քրեական օրենսգրքում կատարվելիք փոփոխությունները, ըստ որի, քրեական պատժելի են դառնում պետական կարգի եւ ազգային անվտանգությանն ուղղված գործողությունների ֆինանսական եւ նյութական աջակցությունը:

Օրինականագծի համաձայն, ազգային անվտանգության դեմ ուղղված գործողությունների ֆինանսավորման կամ նյութական աջակցության համար անձը պատժվում է 8-14 տարվա ազատազրկման, իսկ խմբի կողմից կատարված նույն գործողության համար պատժաժամկետը հասցվում է 17-ից մինչեւ 20 տարի:

Խստացվում են նաեւ ահաբեկչության հետ կապված պատժամիջոցները: Միջազգային ահաբեկչությանը մասնակցության հողվածում ավելացված է կետ, ըստ որի՝ քրեական պատասխանատվության է ենթարկվում այն անձը, որը ահաբեկչական գործողության կատարման, նախապատրաստման կամ ահաբե-

կիչներին նախապատրաստելու գործի մասնակցության համար մեկնել է արտասահմանյան երկիր: Դրա համար նախատեսվում է 6-9 տարվա ազատազրկում: Պատասխանատվություն է սահմանվում նաեւ ահաբեկչական գործողությունների համար հավաքագրում անցկացնող անձանց: Նրանք պատժվում են 5-10 տարվա ազատազրկմամբ:

Քրեական պատասխանատվության է ենթարկվում նաեւ ահաբեկչական գործողության հանրային «աջակցությունը»: Այդ կետում նշված է, որ անկախ աջակցության ձեւից՝ բանավոր կամ գրավոր կամ այլ տեսքով, այն իրականացնող անձը պատժվում է:



ՎԻՃԱԿԱԳՐՈՒԹՅՈՒՆ

ԿԱՆԽԱԳԾՎՈՒՄ Է ԵՐԿՐԻ ԲՆԱԿՉՈՒԹՅԱՆ ՆԿԱԶԵՅՈՒՄ

Վրաստանի վիճակագրության ազգային ծառայության փոխտնօրեն Թենգիզ Ցեկվալայի հայտարարությամբ, նախորդ մարդահամարի համեմատությամբ, բացահայտորեն նկատվում է երկրի բնակչության թվաքանակի նվազեցում:



Հիշեցնենք, որ 12-ամյա ընդմիջումից հետո, Վրաստանում ընդհանուր մարդահամարն անցկացվեց նոյեմբերի 5-19-ին:

«Մեր հաշվարկումներով, 2012 թվականի համեմատությամբ, բնակչության թիվը նվազել է: Նման միտումը վավերացվել է ոչ միայն Վրաստանում, այլեւ Եվրոպայի տարածքում, մասնավորապես՝ Հայաստանում, Ադրբեյջանում, Ռուսաստանում, Մոլդովայում եւ այլուր», - հայտարարել է Ցեկվալան:

Վրաստանում վերջին ընդհանուր մարդահամարն անցկացվել է 2002 թվականին:

Մարդահամարի տվյալներով, այն ժամանակ Վրաստանի բնակչությունը կազմել է 4 միլիոն 371 հազար մարդ: 2002 թվականի հունվարի 17-ի տվյալներով, Աբխազիայի եւ Ցխիմվալիի հակամարտության գոտիների, բացառությամբ Վրաստանի բնակչության, 84 տոկոսը վրացիներ են, 6 տոկոսը՝ ադրբեյջանցիներ, 5 տոկոսը՝ հայեր, 1,5 տոկոսը՝ ռուսներ եւ մոտ 2 տոկոսը՝ ազգային փոքրամասնություններ:

Վիճակագիրների հավաստմամբ, բնակչության թվաքանակի նվազեցման գլխավոր պատճառը արտագաղթն է:

«Առաջին հերթին, դա կապված է ոչ թե

ժողովրդագրական իրավիճակի, այլ՝ գաղթի բացասական սալոյի հետ: Վերջին 12 տարիների ընթացքում, Վրաստանում վաճարվել է ծնունդների աճ, երկրում ծնունդներն ավելի շատ են, քան մահացածությունը: Բնակչության ժողովրդագրական աճը ստատմվում է 10 հազար մարդու սահմաններում», - հայտարարել է Թենգիզ Ցեկվալան եւ հավելել, որ վիճակագրական վերջին տվյալների համաձայն, արտագաղթի սալոն բացասական է: «Օրինակ, 2012 թվականին այն կազմել է մինուս 21,5 հազար մարդ, իսկ 2013 թվականին՝ մինուս 2,6 հազար», - ընդգծել է Ցեկվալան:

ՀԱՐՑԱԶՐՈՒՅՑ

ԱՎԱԿԻ ՄԱՃՈՒՏԱՉԵ. «ՄԵՐ ՏՆՏԵՍԱԿԱՆ ՆԵՐՈՒԺԸ, ԶԱՐԳԱՑՄԱՆ ԶԵՌԱՆԿԱՐՆԵՐԸ ՍԱՄՑԻՆ-ԶԱՎԱԽԵԹԻՆ ԿԱՐՈՂ ԵՆ ՎԵՐԱԾԵԼ ԶԱՐԳԱՑԱԾ ԵՐԿՐԱՄԱՍԻ»

(Սկիզբը՝ 1-ին էջում)

ջին երկու տարիներին կատարած աշխատանքների մասին, քանի որ անցյալ տարին յուրովի դարձավ 2013-ին սկսած աշխատանքների շարունակման տարի:

Նախ, ասեմ, որ տարածաշրջանի տնտեսական ներուժը, դրա աշխարհագրական դիրքը, տրանսպորտային կապերի զարգացման հեռանկարները, իրատեսական հնարավորություններ են ընձեռում Սամցխե-Ջավախեթին վերածել տնտեսապես զարգացած երկրամասի: Տարածաշրջանում վերջին երկու տարիների ընթացքում իրականացվել են Զիկալի էլեկտրահաղորդման գծի եւ Փարվանայի հիդրոէլեկտրակայանի շինարարության միջազգային նախագծերը, ընթացքի մեջ են Ասպինձայի շրջանի Ռուսթավիի հիդրոէլեկտրակայանի, Կարս-Ախալքալաքի երկաթուղային մայրուղու շինարարությունները: Այս տարի կգործարկվի Թուրքիայի հետ երկրորդ սահմանային անցումակետը՝ Ախալքալաքի շրջանի Կարծախում: Միջազգային նախագծի շրջանակներում, Բակուրիանի զարգացման նպատակով, արդեն գործարկվել է արհեստական ծյան արտադրության նախագիծը: Ինչպես տեսնում եք, քվարկումը բավականին տպավորիչ է:

- Սամցխե-Ջավախեթին, բոլորիս ընկալմամբ, նախ գյուղատնտեսական երկրամաս է, հետեւաբար, առաջնահերթ ուշադրությունը բեռնով է այդ ոլորտի վրա: Կոնկրետ, ի՞նչ է արվել այդ ուղղությամբ:

- Իրավացի էք, մեր երկրամասի համար գյուղատնտեսությունը հիմնարար, սակայն ոչ միակ տնտեսական ճյուղն է: Սամցխե-Ջավախեթի տարածաշրջանում երկրի մյուս երկրամասերի օրինակով լայն տարածում գտավ սակավահող ֆերմերների պետական ծրագիրը: Բավական է նշել, որ 2013-2014 թվականներին երկրամասում բաժանվել է 90562 գյուղատնտեսական քարտ: Արտոնյալ ագրովարկի նախագծի երկրորդ փուլի շրջանակներում 1129 ֆերմերի տրվել է 15 460 440 լարի, իսկ երրորդ փուլի շրջանակներում՝ 36 վարկ: Սամցխե-Ջավախեթում հիմնվել է 36 գյուղատնտեսական կոոպերատիվ:

Մեկ այլ պետական նախագծով, էժան վարկերի շրջանակներում, մասնավորապես, Օնիսի գյուղում բացվել է սառնարանային տնտեսություն: Ինչ վերաբերում է անասնապահությանը, ապա, ներկա դրությամբ, տարածաշրջանում գործում է մսի ու կաթի վերամշակման 34 արտադրություն: Մթերքի պիտանիության ծառայության հետ միասին, երկրամասի վար-

չությունը 2014 թվականին իրականացրել էր միջոցառումներ, որոնք հիմնականում ուղղված էին անասնուների հիվանդությունների կանխմանը եւ բացահայտված հիվանդությունների օջախների մեկուսացմանը:

Արտոնյալ վարկերից օգտվել են նաեւ մեր գործարարները: Այսպես, մասնավոր գործարարության զարգացման շնորհիվ, վերջին երկու տարիների ընթացքում, բացվել են 30 նոր օբյեկտներ՝ հյուրանոցներ, կաթի վերամշակման արտադրություններ, տնամերձ տնտեսություններ: Էժան վարկերի շրջանակներում ընդլայնվել են մսի ու կաթի վերամշակման չորս արտադրամասերը:

- Դուք ակնարկեցիք երկրամասի տնտեսության հեռանկարային ճյուղերի մասին: Ի՞նչը նկատի ունեք:

- Օրինակ՝ գրասաշրջությունը: Այս տարի Վրաստանի կառավարության աջակցությամբ, կմեկնարկի Սամցխե-Ջավախեթի գրասաշրջության ներուժի գործարկման նախագիծը: Այդ ուղղությամբ, Համաշխարհային բանկի ֆինանսավորմամբ, նախատեսված է կատարել 30 միլիոն դոլարի ներդրում: Երկրամասային վարչությունն արդեն անցկացրել է հանդիպում, որի ընթացքում փորձագետների կողմից մշակվել են 14 նախագծեր: Նախագծերը վերաբերում են Աբասումանի մշակութային ժառանգության հուշարձաններին, Ջարգմայի, Սարոխիզաբավայի սրահներին, Թմոզվիի եւ Վանի կարասներին, Ախալքալաքի ամրոցին, Աբասումանի աստղադիտարանի ներքին ճանապարհներին, Սաֆարայի մեմաստան տանող ճանապարհին, Սախրմե-Աբասումանի ճանապարհի վերանորոգմանը եւ այլն:

Որպես գրասաշրջության ոլորտի զարգացման նախադրյալ, տարածաշրջանում առանձնակի ուշադրություն է հատվում մշակութային ժառանգության հուշարձանների պահպանությանն ու պաշտպանությանը: 2014 թվականին, Վրաստանի վարչապետ Իրակլի Դարիբաշվիլու նախաձեռնությամբ, սկսվեց Վարձիայի բացառիկ պատերի կարգավորման չորսամյա նախագիծը: Միաժամանակ, իրականացվելու է Վարձիայի համալիրի ջրամատակարարման կարգավորումը, բարեկարգվելու են համալիր տանող ճանա-

պարհները: Ավարտվել է Վարձիայի լուսավորման նախագիծը: Ինչպես տեսնում եք, գրասաշրջակների մեք կարող ենք առաջարկել բավականին հետաքրքիր ու ծավալուն ծրագիր:

- Երկրի կենտրոնական իշխանության կողմից բազմիցս հայտարարվել է, որ ներքին քաղաքակա-



նության առաջնահերթություններին ամենակարևորը առողջապահությունն է: Ի՞նչ է արվում տարածաշրջանում այդ առաջնահերթությանը նախատեսված նախագծերի իրականացման համար:

- Միանգամից ասեմ, որ 2014 թվականին նշանակալից աշխատանքներ են իրականացվել առողջապահության ոլորտում նախագծերի կատարման ուղղությամբ: Այսպես, 2013 թվականի փետրվարի 28-ից գործող համընդհանուր առողջապահության պետական ծրագրի շրջանակներում, Սամցխե-Ջավախեթի տարածաշրջանի բնակչության համար կենտրոնական բյուջեից ծախսվել է 4 301 242 լարի: Անցյալ տարի տարածաշրջանի մունիցիպալիտետներում տեղական բյուջեից ծրագրված են չծրագրված վերահատույունների համաֆինանսավորման եւ ստացիոնար սպասարկումների համար ծախսվել է 587 689 լարի, ֆինանսավորում է տրվել 1034 վիրահատության ենթակա հիվանդների: 2014 թվականին Սամցխե-Ջավախեթի տարածաշրջանում կառուցվել է 6 ամբուլատորիա, վերանորոգվել են արդեն գործող բուժկետերը: Ավելացնեմ, որ 2014 թվականի մայիսի 1-ից 30 տոկոսով ավելացվել է գյուղական բժշկների եւ բուժքույրերի աշխատավարձը: Անցյալ տարեվերջին տարածաշրջանի բժշկական շտապ օգնության ծառայությանը փոխանցվել է 13 նոր մեքենա, ինչը թույլ

տվեց նշանակալիորեն բարելավել բնակչության սպասարկումը:

- Վերջին տարիներին երկրի մասշտաբով նշանակալի աշխատանքներ են կատարվել բնակավայրերի գազիֆիկացման, էլեկտրահաղորդման գծերի կարգավորման ուղղությամբ: Այդ առումով, ի՞նչ աշխատանքներ են տարվում Սամցխե-Ջավախեթում:

- Տարածաշրջանում լայն թափով առաջ է տարվում գազիֆիկացման գործընթացը: Այսօրվա դրությամբ, Սամցխե-Ջավախեթում գրանցվել է բնական գազի 32464 սպառող: Գազիֆիկացման աշխատանքներն իրականացվում են Ախալցխեի եւ Ադիգենի մունիցիպալիտետների գյուղերում: Այդ աշխատանքների ավարտից հետո, Ախալցխեի մունիցիպալիտետում բնական գազի սպառողների թիվը կավելանա 3030-

ով, իսկ Ադիգենի մունիցիպալիտետում՝ 1546-ով: Ասպինձայի մունիցիպալիտետի Ասպինձա վանում, Սարո, Նիզաբավա եւ Դամալ գյուղերում գազիֆիկացման աշխատանքներն ավարտվել են բնական գազը մուտք է գործել 1150 ընտանիք: 2015 թվականին բնական գազը մուտք կգործի Բորժոմիի մունիցիպալիտետի 1130 օբյեկտներ: Պետական ծրագրի շրջանակներում, առանց էլեկտրական հոսանքի մնացած գյուղերի էլեկտրիֆիկացման համար, կենտրոնական բյուջեից առանձնացվել է 6 միլիոն լարի: Էլեկտրաէներգիա արդեն մատակարարվում է 8 գյուղերի, այդ թվում՝ Ադիգենի մունիցիպալիտետի Ուտղիսուբանի գյուղում, որտեղ վերջին տասը տարիներին բնակչությունը զրկված էր էլեկտրաէներգիայից:

Թեպետ հարկ են համարում նշել, որ այդ ուղղությամբ երկրամասում դեռ մեծ ծավալի աշխատանքներ են անցկացվելու:

- Իսկ ի՞նչ կասե՞ք կրթական ոլորտի կարգավորման ուղղությամբ Սամցխե-Ջավախեթում իրականացված աշխատանքների մասին:

- Նշանակալի աշխատանքներ են կատարվել նաեւ կրթության ենթակառուցվածքի վերականգնման ուղղությամբ: 2013 թվականին Սամցխե-Ջավախեթի մասշտաբով վերանորոգման աշխատանքներ են իրականացվել 30 հանրային դպրոցներում, 2014-ին

վերանորոգված դպրոցների թիվն ավելացել է 21-ով: Կարգավորվել է նաեւ քուլտուրայի շրջանում: Մոտ ժամանակներում շահագործման կհանձնվի Ախալքալաքի Բուրաշեն գյուղի հանրային դպրոցը, ավարտին է մոտենում Ադիգենի Արալի գյուղի հանրային դպրոցի ուսումնական նոր շենքի նախագիծը: Դրա շինարարությունը կսկսենք այս տարի: Սկսել է գործել ազգային փոքրամասնությունների ներկայացուցիչների համար Ջուրաբ ժվանիայի անվան պետական վարչական դպրոցի տարածաշրջանային ուսումնական կենտրոնը: Տարածաշրջանի դպրոցներում եւ ուսումնարաններում, որտեղ ուսուցանում են կրթական թերզարգացած աշակերտները, նշանակվել են հատուկ ուսուցիչներ:

Անցյալ տարվա արդյունքներով, կրթության նախարարությունը գերազանց ուսուցման համար համակարգիչներով պարզեւտարել է տարածաշրջանի 93 աշակերտի:

Ավելացնեմ նաեւ, որ Վրաստանի կառավարության 2014 թվականի ապրիլի 4-ի հրամանագրով, Ախալցխեի ուսումնական համալսարանի եւ Ախալքալաքի բարձրագույն հաստատությունը քուլտուրայի վրա հիմնվել է Սամցխե-Ջավախեթի պետական համալսարանը, ինչը երկրամասի բնակիչներին հնարավորություն է ընձեռում անցնելու բակալավրի, մագիստրոսի եւ դոկտորանտուրայի կրթական ծրագրերը:

- Մի քանի խոսք՝ առաջիկա ծրագրի մասին:

- Ինչպես ասացի, առաջիկայում անելիքները շատ են: Մեր գլխավոր հոգսը մարդկանց սոցիալ-տնտեսական հարցերի կարգավորումն է: Առանձնապես մտահոգիչ է գաղվածության հարցը: Արտոնյալ վարկերի նախագծով, ինչպես ասացի, գործարկվել են մի քանի արտադրություններ, իսկ էժան վարկերի ծրագրի շնորհիվ ֆերմերներն ստացան գյուղատնտեսական աշխատանքների ժամանակին ու որակով կատարելու հնարավորություն: Ինչ խոսք, ողջունելի քայլեր են, սակայն այդ ուղղությամբ, կրկնում են, անելիքները շատ են: Պետք է կարողանանք հասնել նրան, որ մարդկանց ապահովենք աշխատանքով, արժանավայել աշխատավարձով, ինչը բարեկեցիկ կյանքի գրավականն է: Կարծում եմ, այդ առումով նշանակալի առաջընթաց կհասնենք 2015-ին: Ինչպես ասացի, այս տարվա համար ծրագրել ենք նշանակալի նախագծեր, դրանց հաջող իրականացումը հնարավորություն կտա ստեղծել նոր աշխատատեղեր, նվազեցնել գործազրկության բարձր մակարդակը:

ՅՈՒՐԻ ԿՈՐԵՆՅԱՆ

ՇՆՈՐՀԱՆԴԵՍ ԱՆՑԿԱՑՎԵՑ ԵՐԿԱԹՈՒՂՈՒ ՎՐԱՑԱԿԱՆ ՀԱՏՎԱԾԻ ԳՈՐԾԱՐԿՈՒՄԸ

Հունվարի 29-ին Վրաստանի Էկոնոմիկայի նախարար Գիորգի Կվիրիկաշվիլին եւ Ադրբեջանի տրանսպորտի նախարար Զիյա Մամեդովը մասնակցեցին Բաքու-Թբիլիսի-Կարս երկաթուղային մայրուղու վրացական հատվածի շնորհանդեսին եւ դիտեցին դրանով գնացքի թեստային անցավազը:

Շնորհանդեսը կայացել է Ջավախեթում՝ Կարծախում, դրան նաեւ մասնակցել են «Մարաթա-Կարծախ երկաթուղի» սահմանափակ պատասխանատվությամբ ընկերության տնօրեն Օլեգ Բիծիաշվիլին, Սամցխե-Ջավախեթի նահանգապետ Ակակի Մաճուտաձեն եւ այլ պաշտոնատարներ:

Թբիլիսի-Կարս երկաթուղային մայրուղին ճանաչվել է կարեւորագույն նախագծերից մեկը, որն իրականացնում են Վրաստանը, Թուրքիան եւ Ադրբեջանը: Կվիրիկաշվիլին եւ Մամեդովը ծանոթացան ավարտված աշխատանքներին եւ նշեցին նախագծի կարեւորությունն ու դրա հեռանկարները:

Բաքու-Թբիլիսի-Կարս երկաթուղին կառուցվում է վրացա-ադրբեջանա-բուր-

բական միջպետական համաձայնագրի հիման վրա: Ադրբեջանը Վրաստանի հատվածի կառուցման համար տրամադրել է 775 միլիոն դոլար գումարի վարկ:

Փոխադրամիջանցքի առավելագույն թողունակությունը կկազմի տարեկան 17 միլիոն տոննա: Ենթադրվում է, որ սկզբնական փուլում կփոխադրվեն մեկ միլիոն ուղեւոր եւ 6,5 մլն տոննա բեռներ:

